

## Ўвлд эртаснь белдвр кехмн

Эн джил Каспийск района, „Оленичевский“ совхоз тосхлтд 625,8 миньгън арслнь гаргъх зовтӓ. Эн мӓньгӓр 15-н орндгта больниц, 4-н ӓрк-бӓул бӓӓх гер, бичкдӓдин сад, искусствени кӓг тӓвлгӓнӓ пунктин гер, хӓд бӓрх 7-н хаша тосхкмн.

Ода совхозд 4-д ӓрк-бӓул бӓӓх хойр гер, 8-н ӓрк-бӓул бӓӓх нег гер тосхгдӓд дуусгд-джана. Энӓнӓс талдан хӓд бӓрх хойр хаша ясгдв.

Болв, 8-н хаша ясгдӓ бӓӓс-нӓс, зуг хойрхнь ясгдӓ дуусгдв. Ясврин болн тосхлтин

кӓдлмш ним хашнӓгар кегдх-лӓ, ѓвл иртл тосхдж, ясдж дуусдж чадшго.

Нидн джил эн совхозд уттуршдан 22 миньгън хӓн бӓӓсн болхла, эн джил 26 миньгън ѓлӓ шаху хӓд ѓвлзӓулдж гаргъхмн. Тегӓд ода бӓӓх хаша-хаац деер невр хашас тосхдж эс авхла, кесг отар хӓд киитн болн шуургӓта цагла газа ѓвлзх ӓӓмшгтӓ.

Малан чик-чилгр, гару угагъар ѓвлӓс хадгӓлдж гаргъхин тӓлӓ эртӓснь сӓн белдвр кехмн.

С-Г. ГОШЕНДАНОВ.